

# 黃女利用男友 假「流亡」真移民

## 揚言被跟蹤赴英尋「庇護」 自己友都質疑「有俾人告做咩走」

**網議政事** 民主黨前成員許智峯走佬、「青年新政」前召集人梁頌恆又走佬，《蘋果日報》嘔日仲報道咗一個15歲嘅少女明明有被控都選擇「流亡」，真係睇到人眼都凸。化名為「Aurora」嘅佢原來仲係被控舊年10月喺荃灣暴動、曾中彈嘅曾志健嘅女朋友。唔少「黃絲」都話，個女仔又有俾人告，質疑「流咩亡」，話佢係「借條仔過橋移民」就真。咁「黃圈」不崩都係「兄弟爬山，互相利用」啲啦。

香港文匯報記者 倪思言

化名為Aurora嘅女仔係報道中話，自己曾經因為黑暴案件而被捕，但當時警方因為佢未夠16歲而未起訴佢非法集結罪。雖然係咁，但佢認為自己如果繼續留喺香港只會「越嚟越危險」，每日只可以等死或者等警方去「清算」佢啲。

佢又懷疑因為一眾前線隊友被捕，所以自己一直被不明人士跟蹤，因此即使自己無俾人告，但都決意去英國尋求「政治庇護」。

Aurora日前就隻身去到英國，到步後隨即俾當地海關人員帶走，並向英國政府申請「政治庇護」。據知佢已得到當局確認資格，將會為佢提供合適嘅安身之所。佢又話，自己由英國協助「流亡者」組織「Friends of Hong Kong」協助生活，未來會加入組織為其他「流亡者」提供援助。而組織嘅發言人Malcolm更加會針對患有抑鬱症嘅Aurora提供心理輔導等支援。



▲出走少女為被控去年10月在荃灣暴動、中彈的曾志健(圓圖)的女友，她聲稱一直被不明人士跟蹤，決意去英國尋求「政治庇護」。圖為曾志健當日中彈的情況。資料圖片

一個成功嘅「黃絲」故事，當然要煽下情。Aurora又透露自己喺前線抗爭中認識曾志健並成為情侶，但對於男朋友嘅暴動同襲警案會喺今個月再訊，仲有機會被判即時入獄，已經身在英國嘅Aurora就聲稱「傷心、不捨，連最後見面機會都有」。

係囉，邊個剝奪佢呢啲機會呢？

### 網民譏「唔吹雞點搞眾籌」

報道一出，有網民認為Aurora嘅無被控

任何罪名之下，都選擇逃離香港係借橋移民去英國生活，而且好多聲音都批評佢「假流亡，真移民」嘅行為相當可笑。又有人揶揄黑暴分子當初高叫手足要「齊上齊落」，但如今有事就個個走佬，選擇拋低隊友到外國「流亡」咁話，佢哋撇開關係嘅做法真係相當醒目。

「N展仔(崩潰)」就話：「葡萄，有得移民英國。」「宅度宅」話：「走咗走，仲咁大聲同人講托咩！」「白雲山蟋蟀」就揶揄：「唔吹雞又點搞眾籌？」

**網議政事** 「黃絲」為香港嘅「付出」，包括非法遊行、搗爛縱火，同埋事後拍吓蘿柚走人囉。攞炒派荃灣區議員陳劍琴日前就喺facebook發帖開呢啲「逃兵」：「唔好乜都講到移民左(咗)都無背棄香港呢啲說話……唔想再留嚟香港生活就直話話唔想……唔好係咪都扮『國際線』做自己移民籍(藉)口。」

陳劍琴話：「選擇左(咗)離開嘅(唔係指『流亡』)，就唔好講到有日可以返黎(嚟)香港，到時香港會好好云云……唔好乜都講到移民左(咗)都無背棄香港呢啲說話。」佢又話，班人要走就走得低調同坦白啲，「唔想再留嚟香港生活就直話話唔想，無能力再為香港未來付出，覺得外國生活自由啲，所以為左(咗)自己而移民，就坦白承認。唔好係咪都扮『國際線』做自己移民籍(藉)口……好多『國際線』戰友係『流亡者』，心情、處境根本無得比。」

「Man Ho」就問：「點分係唔係『流亡』？」攞炒派元朗區議員林



▲陳劍琴發帖批評有人借題「着草」。fb截圖

進就稱：「『流亡』係指走咗就不能再自由返嚟，係政權『針對』嘅對象之一，所以驚連累家人朋友，走咗嘅好多都會同家人斷絕關係。」哦，原來係只許州官放火，不准百姓點燈，要畏罪着草先可以戴「光環」。

「Caleb Chen」就話：「不能同意更多。每次聽朋友(同路人)傾開移民，下一句就係問我：『走唔走呀你？』真係難聽過粗口！」

「黃絲」爆粗話自己好鍾意香港，你唔係信呀嘢？

香港文匯報記者 黃書蘭

# 「黃店」虐狗多藉口 直播道歉難辭咎



▲左起：女店主、男店主及員工昨日在fb直播認錯，但網民唔收貨。fb截圖


「赴湯」夫婦轉載虐狗事件，並指好多「黃」人無信念、無黑白。



「黃店」車房「18 Liberty Car Beauty」嘅員工日前將店主虐狗嘅情況影相上載至IG動態，仲標註「×狗」。

嗰張相見到，被虐狗隻雙眼通紅，嗰車房俾人用膠紙綑住個口，條頸帶俾一條極短嘅鐵鏈扯起緊綁，瑟縮喺邊，非常可憐。咁殘酷虐狗，唔少網民隨即群起聲討，鬧爆間「黃店」滅絕人性。雖然店主等人嘅日開直播認錯，但據了解，警方嘅日去咗車房了解事件，並拘捕咗31歲姓鄧嘅本地男子，該人涉嫌殘酷對待動物。

### 膠紙封口死撐「仲飲到水」



群情洶湧下，「18 Liberty Car Beauty」嘅女店主嘅日焗住發帖同係fb開直播認錯。男店主抱頭痛哭，話自己做咗「最錯」、「最蠢」嘅事，但又賴係佢隻7個月大狗女「金豬」趁佢行開洗車嗰陣，將佢鋪頭嘅產品咬碎晒，口響又爛咗，因為「好緊張、好驚」「金豬」吞咗啲碎片，先用「皺紋膠紙」「包住」「金豬」個口。佢仲死撐「包得個口唔實，仲飲到水」。

女店主就話自己係虐狗「當時」唔係及格嘅主人，一樣賴「當時」成地碎片，好驚佢剝親，所以先縮短條繩嚟放嘴。但呢帖話自己一直將「金豬」「視如己出」，睇到呢度應該有唔少網民希望佢以後都唔好生仔喇。

### 網民批作故仔無良心

對於虐狗店主嘅道歉解釋，網民似乎唔多接受。好似「Jan Ng」就覺得：「點情急都係膠紙封口下(吓)哇(話)，你俾定當睇緊呢(篇)野(嘢)既(嘅)人傻呀？你叫情急果(嗰)個去自首先啦！」

「Natalie Ng」就話：「終於諗好個故仔點作。」「Tanya Li」就話：「你用膠紙痲(竊)，搵番(返)出黎(嚟)個(嗰)下都痛嘅吓(吓)話，將心比心。」

有「黃絲」就開店主咁有良心都開「黃店」，一定唔會幫襯。「Wing Chan」話：「你終於認有做咩？如果無人揭發，你(肯)定一直這樣做啦！點原諒你？仲要話自己『黃』！昨晚仲出張狗睡覺相博(博)同情！收(收)啦，一定不會幫襯。」

「Nicole Wong」就話：「佢話自己係『黃店』，你哋個良心去左(咗)邊。」「Zoro Lam」都話：「『黃店』就可以虐待動物大×晒(晒)？上次大埔寵物美容一樣是『黃店』已被捕！」

去年7月28日上環暴亂中，被捕嘅湯偉雄同杜依蘭夫婦，佢哋開設嘅facebook專頁「赴湯」嘅日就特發發帖講「黃店」虐狗，「『黃』同好人、同『抗爭』，我一直都覺得有距離，唔係要矮化一啲光譜，但好多人根本無信念、無黑白，佢係『黃』只不過政府咁咁攞(搞)到佢。有幾多人明白個分別？」

香港文匯報記者 黃書蘭

# 施政報告致謝議案辯論縮至兩節

香港文匯報訊(記者 鄭治祖)受疫情影響，立法會主席梁君彥日前決定押後施政報告致謝議案辯論至下月20日。行政署長鄭鍾偉本月8日致函立法會內務委員會主席，建議將致謝議案辯論環節壓縮為兩節，每個辯論環節的發言時限少於3小時。

據立法會行事慣例，行政長官向立法會發表施政報告後，立法會內務委員會主席便會就施政報告提出致謝動議議案，而各政策局此前會向對口的事務委員會，就施政報告內涉及之相關部門進行簡報會。受疫情影響，相關簡報會均需延期舉行，因此施政報告致謝議案辯論時間由原定下月6日押後至下月20日，以便委員會編排時間。

# 市民踴躍撐警 福利金捐款急增26倍

香港文匯報訊(記者 鄭治祖)去年社會動盪，大家對警方的支持有增無減。警方昨日向立法會提交警察福利基金2019至2020的年度報告，展示基金的總收入為1.88億元，與2018至2019年度的1.949億元比較，增幅為8.66倍，而捐款更大增26倍至1.73億元。

總收入升8.66倍至1.88億元

警察福利基金2019至2020的年度報告中顯示，截至今年3月31日，基金的資產淨值為2.58億元，與去年3月31日的1.84億元比較，淨增幅為40.03%。

報告又指，2019至2020的年度基金的總收入為1.88億元，與上年度的1.949

### 總收入升8.66倍至1.88億元

萬元比較增加8.66倍，即1.68億元，當中主要項目的轉變包括增加26倍的捐款，即1.73億元，而「僱用警察服務費用」、「定期存款利息收入」、「承辦商代售紀念品佣金」等項目就分別減少384萬元、46萬元和41萬元。

在開支方面，2019至2020的年度基金的總支出為1.14億元，與上年度的3,938萬元比較增加1.9倍，即7,498萬元，主要項目的轉變包括增加52倍的「擔任特殊職務警務人員茶點費用」，即6,362萬元，「員工關係開支」亦增加313萬元，而「其他」的支出也增加3.66倍，即764萬元。只有「警隊體育活動開支」和「健康生活策略活動」分別減少71萬元和342萬元。

# 自爆掛曆內地製 王百羽落「黃圈」面

攞炒派成日揚言要推動所謂「黃色經濟圈」，點知原來個個得把口。由攞炒派把持嘅油尖旺區議會，係內地印刷含有政治文宣嘅賀年掛曆，早前已經俾人瘋狂揶揄，點知攞炒派元朗區議員王百羽嘅日又驚爆，原來「全港好多區議員」自行設計嘅月曆同印刷品都係內地製，攞明唔界面「黃色經濟圈」。唔少網民都笑攞炒派自打嘴巴，話佢哋呢啲邏輯咁叫同人衝自己鬆一樣囉。

話就話要杯葛內地貨，但一要印掛曆，班攞炒派又北望神州。王百羽嘅日發帖話，自己原本同幾位區議員訂咗一批月曆，但之後收到印刷公司通知，原來「全港好多區議員」自行設計嘅月曆同印刷品都比(俾)中國(國)海關扣查緊，佢話批月曆唔知幾時先可以落到香港，所以佢都有月曆派。

被恥笑撐港貨得把口

原本係諗住借機唱衰內地，點知俾人狂鬧講一套、做一套。「元朗監察議會聯盟」嘅日

### 被恥笑撐港貨得把口

就發帖笑佢哋「參選時又話什麼『勇武本土派』，誓撐『本土黃色經濟圈』，拒用『國貨』撐『港貨』，當選後咁就忘記『手足』誓言」，仲揶揄佢哋咬咗糧支就變建制，印月曆都識得返內地印。「元朗監察議會聯盟」再加工「口講本土」、「心繫祖國」、「講下『本土』咁多傻仔信」、「『黃色經濟圈』即刻收左(咗)皮」等標籤，真係越講越抵死。

民建聯立法會議員張國鈞亦係facebook發帖問：「反對派政客又話要力推所謂『黃色經濟圈』，點解佢哋印個掛曆都要幫襯內地？」網民「KF Tong」就咁答佢：「成班都係『食亞媽奶，再講亞媽靚』嘅×街，梗係會咁做。」

「標注」就答：「(同)叫人衝自己鬆的邏輯一樣。」facebook專頁「政治大屠判」亦揶揄：「你哋咁××有錢益大陸都唔識吓『黃店』手Joke?」「陸佳南」就話：「俾(界)『黃店』印，驚2022年都收唔到貨呀！」

王百羽自爆月曆由內地製作，被揶揄「撐黃圈」得把口。fb截圖

香港文匯報記者 黃書蘭

**仁濟醫院** 仁濟慈善行 陪你由0行到1

日期：19/12 - 3/1

地點：任何郊野公園或步行徑

目的：為仁濟各項慈善服務籌募經費

M-Junate 陪你由2020行到2021 競逐各項大獎，禮品豐富!

5528 2898 2416 8033

何德心先生MH 正昌集團 Fujikon 益豐成衣集團有限公司 益豐成衣集團有限公司 益豐成衣集團有限公司 益豐成衣集團有限公司


# 職工盟曲解「保就業」 袁彌明批隨時累街坊

香港文匯報訊(記者 倪思言)政府花800億元公帑推出的兩期保就業計劃在上月底正式完結，社會擔心裁員潮即將出現。職工盟總幹事蒙兆達稱，即使特區政府再推出第三輪補救計劃亦無助員工，建議政府仿效外國設立失業援助金及提供工資補貼。「人民力量」前主席袁彌明昨日出帖炮轟職工盟連保就業計劃的基本邏輯都未明，批評香港的工會十分失敗。

外國做法，除了設立失業援助金外，還應向受疫情影響的僱員提供工資補貼。

袁彌明昨日在facebook斥職工盟根本不了解保就業的基本邏輯，「『僱員沒錢落袋?』僱員有出糧就係有錢落袋，要講幾次先明?」她又說，保就業與派錢及失業救濟並無衝突，政府應該三管齊下，並批評蒙兆達的言論，謂正因為這些評論而令政府「有藉口」不推出第三期保就業計劃，「跟住就更多公司挨(捱)唔住就大規模裁員!咁你到點保障僱員利益呀大哥!」

職工盟總幹事蒙兆達指出，多間大型企業在取得工資補貼後即裁員，反映保就業計劃成效不彰，「根本保唔到僱員，只係俾住佢哋鹽水，但就俾住僱主嘅荷包」，認為即使有第三期保就業計劃，亦只是幫僱主出糧，僱員「沒錢落袋」，因此建議特區政府仿效



▲袁彌明轟職工盟連保就業計劃的基本邏輯都未明，批評香港的工會十分失敗。fb截圖